

مقالہ دے موضوع دی چون ویلے استاد محترم ہوراں میرے کولوں میرے شوق تے دلچسپی بارے پچھیا تے میں اوہناں نال اپنی ایس خواہش دا اظہار کردتا۔ کہ میں پنجابی دے کسے اچھے شاعر تے کم کرنا چاہندا واں جیہڑا عشق حقیقی تے عشق مجازی تے ہووے۔ ایس لئی اوہناں مینوں ”عاطف سولہوی دی پنجابی شاعری“ اُتے کم کرن دا مشورہ دتا۔ عاطف سولہوی دی شاعری پڑھن نال مینوں انج لکیا کہ ایہ اوہ ای موضوع اے جیہدے تے میں کم کرنا چاہندا ساں۔ ڈاکٹر افتخار احمد سلہری ہوراں بڑے سوہنے ڈھنگ نال مینوں نہ صرف موضوع چنن وچ مدد کیتی سگوں مقالہ لکھن دا وی دسیا جیسیں پاروں میرے لئی کم کرنا سوکھا ہو گیا۔

لکھنا بڑا اوکھا ہوندا اے۔ ایم۔ فل دا مقالہ لکھنا اک اوکھا کم سی۔ کیوں بے مواد دی کھوج کرنا آسان نہیں ہوندا۔ ڈاکٹر افتخار احمد سلہری ہوراں نے پیر پیرا تے میرا ساتھ دتا تے ہر حوالے نال میری مدد کیتی۔ ایس مقالے نوں پنج باباں وچ ونڈیا اے۔

پہلا باب

عاطف سولہوی دی حیاتی دے حالات تے واقعات، پہلے باب دے دو جز نہیں۔

پہلا جز حیاتی دے حالات

ایس دے وچ عاطف سولہوی ہوراں دا تعارف تے اوہناں دی حیاتی دے دو بے پکھ جمن توں مرن تاںیں۔

دو جا جز لکھتاں دی جان پچھان

ایہدے وچ اوہناں دیاں لکھتاں دا ویروا کیتا گیا اے۔ چھپے تے ان چھپے مواد بارے وی جانکاری دتی گئی اے۔

دو جا باب

عاطف سولہوی دی قصہ کاری:-

ایہدے وچ اوہناں نے مجازی عشق دا حال چنگی طرحاں بیان کیتا اے۔ جیہدی سینہ اُتے ایہناں دے حقیقی عشق دا محل اُسر یا سی۔

تیجا باب

عاطف سوہلوی دی نعت گوئی:-

ایس باب وچ آپ ﷺ نال عشق، محبت تے تڑپ دارنگ گوڑھا نظر آوندا اے۔

چوتھا باب

عاطف سوہلوی دی گیت نگاری:-

اس باب وچ اوہناں نے اپنے محبوب دی یاد وچ گیت لکھے۔ ایہناں گیتاں وچ درد تے تڑپ دا اظہار

کیتا گیا اے۔

پنجاواں باب

پینکل شاعری:-

ایس باب وچ پینکل شاعری دا ویروا کیتا گیا اے۔

اخیر تے عاطف سوہلوی دی شاعری دا نت تے سٹا بیان کیتا گیا اے۔

میں پروفیسر ڈاکٹر افتخار احمد سلہری تے باقی تمام استادان ڈاکٹر محمود الحسن بزمی، ڈاکٹر ظہیر وٹو،

ڈاکٹر شبنم اسحاق، پروفیسر کلیان سنگھ کلیان تے پروفیسر واصف لطیف دا شکر گزار آں کہ ایہناں مینوں بڑے پیار تے

خلوص نال پڑھایا تے میرے مقالہ لکھن وچ خاص طور تے مدد تے راہنمائی کیتی۔

میں چیئر پرسن شعبہ پنجابی جی سی یونیورسٹی لاہور ڈاکٹر سعید خاور بھٹا ہوراں دا وی بے حد شکر گزار آں

کہ اوہناں کولوں پڑھنا میرے لئی اعزاز دی گل اے۔ ایس مختصر جیسے عرصے وچ مینوں اوہناں دے کولوں بہت

کچھ سکھن دا موقعہ ملیا نالے میں اوہناں دا احسان مند آں کہ اوہناں مینوں پنجابی ادب دا مہاندرا دکھایا جیہدے

توں میں جانو نہیں ساں۔ ایہدے وچ کسے قسم دا کوئی شک نہیں اے کہ اوہ پنجابی نال بے لوث محبت کردے

نیں۔ اوہناں دیاں پنجابی لئی کیتاں گئیاں کوششاں تے خدمات نہ صرف میرے لئی سگوں ساریاں لئی نہیں۔